

Septemba ... Rimemba!

Septemba 2020 da wan weh wi noh wahn figet fu chroo! Yes, wi di maak 222 yaaz sins di **Batl a Sayhn Jaajiz Kee**. Yes, wi di maak 39 yaaz sins **Bileez Indipendans**.

Bot dis Septemba 2020, wi di salibrayt eezi eezi wan eena wi haat. Koroanavairos deh rong, so wi hafu stay schrang, ahn kip Bileez schrang. Wi maita kyaahn di goh bowt disya Septemba di daans bowt da paati ahn ga schreet paati ahn di salibrayt op laik how wi doz waahn. Bot wi ku du wahn lee brokdong ahn punta ahn marimba ahn bolayro ahn play pahn mowt aagan eena wi oan lee hows, kaaz memba seh: ***Notn deh weh wi kyaahn difeet wans wi aal daans tu di sayhn beet!*** Soh tugada mek wi lisen tu weh di govament ahn di Minischri a Helt advaiz wi bowt di koroanavairos. Ahn memba seh dat langsaid di koroanavairos, wi stil deh eena harikayn seezn! Bot memba seh: **Rayn er shain, Bileez stil fain at 39.**

Soh, dis Septemba 2020, du yu lee daans ron yu oan hows di salibrayt Bileez eena yu haat. Memba aalwayz dat **Bileez da fi yoo ahn Bileez da fi mee**. Ahn wans koroanavairos don, **Bileez da fi di tooris 222**. Wid 222 yaaz sins di **Batl a Sayhn Jaajiz Kee**, ahn wid 39 yaaz a Indipendans, Bileez ga schrang bakboan fu chroo!

Stay sayf dis Septemba, Bileez!